



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. II. De Blasphemia.

urn:nbn:de:hbz:466:1-40673

tum tali tempore, vel tali loco: Effet solum sacrilegium ratione temporis facti, si dies festi violentur operibus servilibus, & aliis prohibitis, ut notat Trull. ex Less.

XV. Est etiam sacrilegium ratione loci, si quis, verbi gratia, concipiatur copulam habendam in Ecclesia; quamvis non sit sacrilegium concipiatur in Ecclesia copulam habendam extra Ecclesiam. Et ratio disparitatis est, quia in primo casu objectum actus interni est sacrilegium; in secundo casu circumstantia loci non fert secum speciem sacrilegii. Ita Doctores communius; Quamvis Suar. tom. 1. de Relig. lib. 3. cap. 7. putet, non solum pollutionem occultam, sed etiam tactus impudicos habere speciam malitiam in confessione aperiendam, si in Ecclesia committantur, non quidem ex ullo praecepto Ecclesiae, sed ex vi legis naturalis prohibentis fieri in Ecclesia actus turpes ob reverentiam loci sacri.

XVI. Ex dictis sequitur, sacrilegium reale esse suscipere, vel administrare Sacraenta in mortali. Secundo, abuti sacris vasibus, puta uti calice consecrato ad bibendum. Tertio, abuti sacris verbis ad superstitiones, ad facetias, ad amatoria, ad stabilendas haereses. Quarto, Sacrilegia est omnis irreverentia, qua commititur in recitando divino officio, vel in sacris cæremoniis obtemperandis, quamvis saepe a Sacrilegio lethali ex materia parvitate irreverentia isthac excusat. Quando tamen Sacerdos (quod utinam nunquam accidat) ut brevi Missam absolvat, notabiliter obtruncat verba, & cæremonias confundit, irreverentia certe non est levis, nec sacrilegium veniale. Quinto, male habere imagines, & reliquias, puta illas inhoneste pingendo, vel istas dispergendo, ne colantur. Sexto, invasio bonorum, vel iurium

Ecclesiasticorum, retentio legatorum Ecclesiarum, &c.

ARTICULUS II.

De Blasphemia.

- I. *Blasphemia proprie solis verbis, non vero factis consumeliosis exhibetur contra Deum, aut Santos, sive mente, sive ore, sive scripto.*
- II. *Non datur materia parvitas in blasphemia, etiam si joci gratia profertur.*
- III. *Ex consuetudine sine plena advertentia blasphemare non vacat culpa letalii.*
- IV. *Blasphemia hereticalis continet heresim, seu quod articulo fidei directe opponitur; secus vero Blasphemia simplex. Hereticalis aut tollit a Deo quod habet, aut per consumelium tribuit Deo, quod non habet.*
- V. *Simplex Blasphemia est quadruplicis generis, Enunciativa, Detestativa, Irrisoria, & Juratoria.*
- VI. *Probabiliter non differunt specie Blasphemia in Deum, & Blasphemia in Beatam Virginem, & in Santos; nisi proferantur in Santos ob propriam eorum excellentiam.*
- VII. *Qui maledicit creaturis, in quantum Creaturae Dei sunt, profecto blasphemat; sicut qui rebus sacris maledicunt: Quid si quis creaturis irrationalibus maledicat? Et quid si temporis, pluviae, ventis?*
- VIII. *Discutuntur plures formulae, quæ frequenter usurpantur, num sint Blasphemia.*
- IX. *Quid de formula illa conditionata, Deum abnega, si res non ita se habet? Quid de illa, Per vitam Dei? aut de illa alia, Corpo di Dio con voi?*

X. In

- X. In dubio, an formula aliqua sit Blasphema, non est talis censenda.
 XI. Blasphemi denunciandi sunt (si Blasphemia sit hereticalis) intra sex dies a notitia, sub pena Excommunicationis late sententia.

I. **B**lasphemia est convicium, seu verbum contumeliosum, quod jacitur contra Deum, aut Sanctos, sive mente, sive ore, sive scripto proferatur. Ita communiter. Putant tamen nonnulli, etiam factis, vel signis posse blasphemiam committi, puta conculcando imagines, infrendendo dentibus in Deum, expundo in cœlum; sed hoc negat Bonac. ex Suar., & Less.; quia blasphemia opponitur laudi Dei, quæ solis verbis mente, vel ore, vel scripto exhibetur; unde blasphemia in solis verbis, non in factis proprio consistit.

II. Hinc sequitur primo, blasphemiam opponi virtuti Religionis; quia hæc divinum honorem, & laudem tuetur, quam blasphemus offendit detrogando illi, vel diminuendo.

Sequitur secundo, peccatum hoc ex genere suo esse mortale, & solum ratione inadvertentiae posse esse veniale, non vero ex levitate materiæ, puta ratione levitatis, & joci. Ratio est, quia nulla respectu Dei dari potest levis contumelia, & gravis est ex se deordinatio, etiam per jocum blasphemare, ac Deum inhonorare. Putat quidem Villalob. apud Trull. cum Dian. part. 5. tract. 5. resol. 3. probabiliter in hoc dari posse parvitatem materiæ, ut si quis velit faciem confirmare verbis Sacrae Scripturae. Sed communiter rejicitur, quia vel hoc sit sine contemptu, & est sacrilegium veniale, non blasphemia; vel sit cum contemptu, & est blasphemia mortalís, quia est gravis irreverentia.

III. Hinc etiam fit, quod qui ex

habitu, & consuetudine sine plena advertentia ad Dei inhonorationem solet blasphemare, teneatur sub mortali conari ad tales habitum elevendum; tum quia aliter est in morali periculo, & proxima occasione blasphemandi: tum etiam quia gravis deordinatio est Deum sic inhonoreare.

IV. Quæritur nunc primo; Quotplex sit blasphemia?

Respondeo, aliam esse simplicem, aliam hereticalem. Hereticalis dicitur, quæ continet heresim, seu quæ alicui articulo Fidei directe oppositur, ut, Abnego Deum, Abnego crucem Christi, Beatam Virginem, Deus est injustus, dæmon est omnipotens. In quibus casibus blasphemus, si credit, quod ore profert, erit pariter hereticus, & ut talis judicandus; focus vero si id non credit, cum non habeat errorem circa fidem. Simplex vero blasphemia dicitur illa, quæ errori circa fidem non continet, ut solent esse, quæ dicuntur per modum optandi, imperandi, imprecandi, &c. verbi gratia, Maledictus Deus, dispiceat Deo, quod vulgo dicitur, A dispetto di Dio; vel si quis irreverenter nominet membra Christi Domini, vel pudenda Sanctorum, ut notant Suar., Sanch. apud Trull., quia sic intendit facere illos contemptibiles propter tales partes naturales.

Sequitur ex dictis primo, duobus præsertim modis blasphemari, vel scilicet tribuendo Deo per contumeliam id, quod non habet, eique repugnat, ut appellando Deum iustum, crudelē, &c.; vel tollendo Deo id, quod habet, & illi essentia liter convenit, ut dicendo, non habere providentiam, omnipotentiam, dæmonem esse omnipotentem, &c.

Sequitur secundo, blasphemiam esse detestari divina, vel Deum maledicere, illique mala imprecari. Ratio est,

est, quia tribuitur Deo id. quod non habet, eique repugnat, ut si dicatur, Maledictus sit Deus, Pereat, Veliit nolit, hoc erit, &c.; Vel si quis juret per vitam, aut per caput Dei, aut Sanctorum, quia ex Azor. sensus est, quod Deus, aut Sancti amittant vitam, si res non ita est.

Sequitur tertio, blasphemiam esse reprobare Deo ea, quæ habet, seu tribuendo illi ea, quæ habet, sed irreverenter, ut jurare per corpus, aut sanguinem Dei ex indignatione; sicut etiam jurare per falsos Deos: Seclusa tamen indignatione contra Deum, & contemptu, non est blasphemia jurare per corpus Dei, scilicet Christi Domini.

Sequitur quarto, esse blasphemiam ea, quæ sunt propria Dei communicae creature, ut vocare dæmonem omnipotentem, fœminam amatam vocare Deam; aut jurare per falsos Deos, cum sic tribuatur illis infallibilis veritas, quæ soli Deo convenit.

Sequitur quinto, esse blasphemiam dicere, Pereat, qui me sustentat, intelligendo Deum; sicut etiam dicere, Perdat te sanguis Christi, Occidat illum Sanctus Franciscus; Sanguis enim Christi Domini, & Sancti ad salvandum nos, non ad perdendum sunt parati; unde magna afficiuntur contumelia per talem formulam, ut notat Laym. apud Tambur.

V. Sequitur ultimo, blasphemiam simplicem, seu non hæreticalem esse quadruplicis generis: nam vel est Enunciativa, ut Ad injuriam Dei hoc faciam; vel Detestativa, ut Pereat Deus, Maledictus sit Deus, Displiceat Deo; vel Irrisoria, ut Vah qui destruis tempulum Dei; vel Juratoria, ut Pereat Deus, si ita non est, vel si hoc non erit.

VI. Quæritur secundo; An differant inter se specie blasphemiarum in Deum,
Pars II.

in Beatam Virginem, & in Sanctos? Respondeo, Saur., Sanch., & alios apud Tambur. in Methodo Confessio-
nis lib. 2. cap. 3., probabilius putare,
quod specie differant, quia blasphemia
in sanctos præter propriam ma-
litiam blasphemiarum, habet etiam maliti-
am contra Duliam, (quæ est honor
specialis debitus Sanctis) sicut blas-
phemia contra Beatam Virginem con-
tinet malitiā contra Hyperduliam:
Etenim per blasphemiam in Sanctos
non solum Deus, sed etiam ipse San-
ctus injurya afficitur; Econtra per
Blasphemiam in Deum soli Deo irro-
gatur injurya; ergo blasphemiarum in
Deum, & in Sanctos differunt specie.

Sed probabile etiam est, quod do-
cet Azor., & alii apud Dian. part. 1.
tract. de Circumst. refol. 50. non differre
specie; sicut non differunt specie jura-
mentum per Deum, & juramentum per
Sanctos. Ratio est, quia cum omnes
communiter honorent Sanctos non
ob præcisam eorum propriam excellen-
tiam, sed quatenus ad Deum ordinan-
tur, ideo nec illos injurya afficiunt, nisi
quotenus ad Deum referuntur; Unde
ab uno Deo omnes blasphemiarum spe-
cificantur. Quare juxta hanc senten-
tiā satis est in confessione dicere.
Blasphemavi, non explicando an con-
tra Deum, vel contra Sanctos, aut a-
lias creature verbū contumeliosum
sit prolatum, nisi forte alicubi sola blas-
phemia contra Deum esset reservata.

Quamvis quando blasphemia fuerit
hæreticalis, debeat exprimi hæc nova
species peccati; sicut etiam si blasphemia
ex odio formalis Dei, vel ex des-
peratione proferatur. Verum si pro-
feratur in Sanctos ob propriam eo-
rum excellentiam, & non quatenus
ad Deum referuntur, debet in con-
fessione id exprimi, quia tale pecca-
tum est contra virtutem Duliarum, non
Religionis.

VII. Quæritur tertio, Utrum com-
mit-

M

mittatur blasphemia non solum conviciando Sanctos, sed etiam maledicendo aliis creaturis?

Respondeo cum Bonac., & Less. cap. 45. dub. 5., puram maledictionem creaturarum sine ordine ad Deum non esse proprie blasphemiam, (quamvis sit peccatum mortale contra charitatem, si conjugatur cum desiderio notabilis damni; sit vero solum veniale, si tantum ex passionis, & iracundie impetu imprecemur aliqui grave damnum) Est autem blasphemia maledicere creaturis, ut creature Dei sunt, seu per ordinem ad Deum; sicut etiam blasphemando res sacras; quia per hujusmodi maledictionem tribuitur per contumeliam Deo id, quod non habet, eique repugnat, aut tollitur a Deo, quod essentialiter habet; cum talis maledictio redundet in Deum auctorem creaturarum. Sicut enim Deus in creaturis honoratur, ita in honorari potest per maledictionem creaturarum, inquantum creature Dei sunt, aut per blasphemiam rerum sacrarum.

Hinc sequitur, ut notant Sayr., & Suar., committi blasphemiam sphenendo Sanctos; nam sicut in Sanctis laudatur Deus, ita in illis potest Deus contumelia affici, & blasphemari; & ideo diximus, blasphemiam in Sanctos, aut in alias creaturas non differre specie a blasphemia in Deum. Demum maledicere creaturis irrationalibus secundum se non est mortale; immo potest nec esse veniale; si enim possumus illas occidere, quidni, & malum imprecare? Si tamen creature irrationales considerantur, inquantum sunt hominis, eset mortale illis maledicere; non secus ac maledicere ipsi homini, ut si quis velit arborem incendi, equum occidi ex odio hominis: Si vero maledicatur tempus pluvia, ventus, &c., quatenus illis Deus utitur ad nos pu-

niendo, eset profecto blasphemia: Quod si non sit indignatio contra Deum, sed contra creaturas, non sit blasphemia; ut si dicatur, Maledicta hora qua mei parentes me genuerunt, hac enim indignatio est contra parentes, atque adeo est peccatum contra pietatem, leve, vel grave, prout leviter, vel graviter ladiunt observantia erga illos.

VIII. Quæritur quarto, Quænam formula usurpari solita nullam conneant blasphemiam, quænam vero dubium est, an contineat; & quomodo istæ interpretandæ?

Respondeo, non reputari a Doctoribus blasphemiam, Primo, si dicatur Hoc est verum, sicut est verum euangelium; vel, sicut est verus Deus; quia communiter volumus per haec verba indicare similitudinem quandam quod sicut unum est verum, ita & aliud. Esset vero blasphemia, si vellimus veritatem creatam defectibilem cum divina indefectibili æquiparare. Secundo, quando dicitur, Po far di di Dio, Potenza di Dio; Hæc enim verba solum important quoddam signum admirationis contra rem, quæ inopinato accidit. Tertio, Pejerans non est blasphemus, cum nihil tribuat, aut tollat a Deo in ejus convicum; nam pejerans non petit, ut Deus fit falsitatem, ut censet Pal. tom. 3. disp. 2. punct. 2. §. 3., sed enunciative tantum profert cum temeritate illud falsum a Deo confirmari, non optative. Quarto, non est blasphemia dicere, sic tandem fato futurum erat, si non intelligatur fatus Gentilium fatuorum, sed sola necessitas talis eventus consequens ad Dei prævisionem.

Dubium tamen est primo, An qui nolens dicere blasphemiam hanc, (Santo diavolo) dicat, Santo dia, vel Santo diamant, etiam blasphemet? Respondendum tamen, quod si animo nolit diabolo sanctitatem appingere,

verc

verē non blasphemet, ut Tambur. cum doctis viris ab ipso consultis censet; quia idcirco dicit, dia, vel, diammant, ne blasphemiam proferat. Idem dicendum contra Bonac. de eo, qui diceret, nego Di, quia non vult dicere, Dio; quamvis in tali formula scandolum facilius adsit.

IX. Dubium est secundo de blasphemia conditionata, verbi gratia, Renego Deum, si ita res non est, Deus est injustus, si te non occiderit &c., Sanch. & Pal. putant has esse blasphemias; Quod tamen negant Sal. & Tambur., quia non videtur fieri sensus, quod fides in Deum, vel iustitia Dei pendeat a veritate rei creata, aut a futuro eventu, quod sane esset blasphemia; sed sensus videatur esse, quod sicut certum mihi est ex Dei gratia nunquam me Deum renegatur, ita certum est, quod assero; & sicut certum est, Deus non esse injustum, ita certum mihi est te esse occidendum, per similitudinem quandam, non per aequiparantium, ut diximus de illa formula, Hoc est verum, sicut est verus Deus: nec est sensus, ut putat Pal., quod Deum renegatus sim, si res ita non sit, aut quod Deus erit injustus, si non occidaris.

Dubitatur tertio; an sit blasphemia dicere, Per vitam Dei, vel Sanctorum? Affirmat Decian., qui putat eum sensum esse, amittant Deus, vel Sancti vitam, si res ita non est; Sed communiter cum Sanch. negant, quia sensus est, Sicut Deus vitam habet, ita verum est, quod dico..

Dubitatur ultimo; An sit blasphemia dicere ex indignatione contra hominem, vel jumenta. (Corpo di Dio con voi, Ah Sangue di Dio?) Communiter negant, quia tota indignatio est in creature, & nihil Deo tribuitur, vel tollitur per convictum; Est tamen peccatum veniale irreligiositas

tis contra secundum præceptum De calogi, ut notat Laym., quando soli indignatio fertur in creature; Quod si indignatio ferret etiam in Deum, esset profecto blasphemia, quia in actu exercito significaretur, Deum esse dignum nostra indignatione.

X. Regula generalis est, ex Bonac., Pal., Tambur., quod quoties aliqua verba sumi possunt in utramque partem, pro blasphemia scilicet, & non blasphemia, non sint sumenda pro blasphemia; quia in dubio non sunt accipienda, ut sonent delictum, cum delictum non presumatur, nisi clare constet.

XI. Quæritur ultimo; An blasphemii sint corrigendi, & denunciandi?

Respondeo, audientem blasphemos ex præcepto naturali teneri illos corrigeri, si possit absque gravi incommodo, & sit spes fructus; quamvis non expedit id fieri, dum blasphemii sunt in ira, quia magis irritarentur. Tenetur etiam audiens denunciare blasphemias hereticales Inquisitoribus, vel Ordinario; blasphemias vero simplices judici five Ecclesiastico, five Sæculari, cum sint mixti fori, ex decretis Pii I., & Julii III.; Quamvis hæc decreta relate ad blasphemias simplices propter desuetudinem non videantur obligare, ut notat Pal. Blasphemi vero hereticæ intra sex dies a die notitiae denunciandi sunt sub poena excommunicationis latæ sententiae impositæ in Edicto Sanctæ Inquisitionis.

ARTICULUS III.

De Tentatione Dei.

I. Tentatio secundum se alia est Probationis, alia Inductionis. Ad primum genus spectat tentatio Dei, quippe que est Probatio alicuius divini Attributi modis indebitis.

M. 2. III